

40

Absagsbrieff / bey-
der der Königlichen Maiestat zu
Dennemarck / etc. vnd der Stad Lü-
beck / so newlich dem Könige zu
Schweden zc. zugleich seind
zugeschickt wor-
den.



Darneben warhafftiger bericht /
wie die vhestung Elsburg / vnd das Lends
lein Orland in Schweden / vom Den-
nenmerckischen Kriegsvolck er-
obert vnd eingenom-
men sey.



I 5 6 3.



und Hirtengalgen

Die vorstehende Schrift ist eine
 Zusammenfassung der in dem
 Buche so bezeichneter Hirtengalgen
 enthaltenen Lehren.
 In der
 1856

Die vorstehende Schrift ist eine
 Zusammenfassung der in dem
 Buche so bezeichneter Hirtengalgen
 enthaltenen Lehren.
 In der
 1856

1 2 3 4



Abdruck beyder / der
Königlichen Maiestat zu Den-
nemarck / etc. vnd der Stadt Lübeck ab-
sags brieffen / So newlich dem Könige
zu Schweden / etc. zugleich seind
zugehicht worden.

Folget der Hochgedachten Kön. Ma.

S Ir Friderich der ander
von Gottes gnaden zu Denne-
marck / Norwegen / der Wens-
den vnd Gotten König / Herz-
zog zu Schleswig / Holstein / Stormarn
vnd der Ditmarschen / Braue zu Olden-
burg vnd Delmenhorst / Entbieten dem
Grosmechtigen Fürsten / Herrn Erichen
dem vierzehenden / zu Schweden vnd der
Gotten Könige / vnserm Vettern vnd nach-
barn zu wissen. Nach dem seine Lieb der
Vetterlichen verwandnus / darmit sie vns
ankomen / ein zeit her genczlich vergessen /
vnd nicht allein alte vnd newe zwischen
vns / oder beiderseitig vorsehen auffgerichtete
N z bunds

bundnus / frieden vnd vextrege / one einrige
redliche vrsache / nur aus gefastem vberz
muth / zertrennet vnd gebrochen / Sondern
auch / was S. R. darauff vns vnd den vns
sern / zu verdries / beschwerung / leylich
auch vnehrn vnd verschmelerung immer
vormocht / feindlich auch gefehrlich allentz
halben zugesetzt / wie dan solches der ges
brauch / beider vnser / des Denischen vnd
Norwegischen wappen / so S. R. in schild
vnd siegeln / vns schlecht zu verachtung / vñ
darneben anzeigung der begirde / so S. R.
zu vns von Gott verliehenen beiden Reits
chen tragen / führen thut / allerhand abnam
vnd eingrieff / so allerseits vnd sonderlich
dem Hochwirdigen / Hochgebornen Fürs
ten / Herrn Magnusen / vnsern freunds
lichen lieben Brudern / Bischoffen des
Stifts Hesel / Hyc vnd Curland / Admis
nistratorn des Stifts Reuhel / Hertzogen
zu Schleswig / Holstein / etc. In den Riff
lendischen landen gethan / wie dan vnter
andern auch S. R. wissen / das sie gedach
ten vnsern Bruder selbst / zum abfal / durch
verheischung einer summen gelts / sollicit
tirn dörfen / vber vielfeltige andere hin
vnd wider gegen vns angestellte practicken /
feind

feindliche vergewaltung der vnsern / zu
wasser vnd land / allerhand aus geseheten
schmehe vnd schandschriefften vnd gedichte /
wie dan dieser nachbarschafft allenthal
ben vmbher offenbar vnd rüchtig ist / mehr
als gnugsam darthuen vnd bezeugen. Förz
der auch den gemeinen frieden / fast auff
vnd vmb die ganze Ostsee / vnd daran hans
gende schiffart vnd communication dieser
örter / mit aller hand nahm vnd blünder
rung / so bey den vnsern / so bey andern bes
nachbarten / zerrüttet / dem zu folge / auch
letzv vnserer schiess / so auff vnserm strom /
zu sicherung der seefahenden / wie gewöns
lich / verordnet / vnuersehens vberfallen / bes
schlossen / vnd deren etliche mit gewald hin
weg genommen / Alles gemeiniglich vns
derm rhum vnd schein friedens / doch nicht
allein der verwandnus / so billich vnter
der massen nahe Besipten sein solte / sons
dern auch billichkeit / ehren vnd aller völs
cker Rechten zugegen / Vnd vns mit ans
dern / dadurch aus frieden vnd sicherheit /
In den eussersten vnfrieden / gefahr auch
verweis gesetzt / vñ darbey fernere / vber alle
von vns erbottene schiedligkeit / beharren
thut.

Das wir demnach solchem allen lenz
ger nicht zusehen / sondern zu rettung vnser
rer eher vnd ansehens / befriedung von Gott
verlehenen Reichen / Strömen / Landen vnd
Leuten / abwehrung auffgedrungener vnd
ferner obliegender gefahr / feindschafft vnd
gewalts / ersetzung vnd versicherung gemei
nes friedens der schiffart vnd communica
tion / welche alle von S. R. hochbetrübet
vnd verletzt / vns nun zu der von allen rech
ten nach gegebenen vnd gebillichen gegen
wehr / begeben müssen. Vnd als wir vns
dan / aus obgedachten darzu bewegenden
ursachen verfasst / auff S. R. derselbigen
Reich / vnterthanen / helffer vnd verwan
ten / zu Wasser vnd Lande / hinwider an
zugreifen / werden S. R. was desfalls er
folgt / Ihrer eigenen an vns beschehenen zu
nöttigung / beymessen. Wir aber wolten
S. R. solch vnser vorhaben hiermit ange
kündiget / vnd vns vor vns selbst / vnserer helf
fer vnd helffers helffer desfalls bey S. R.
auch meniglichen / da es von nöten / vnserer
ehren halben / wie sich gebüret / verwaret
haben. Datum den letzten Julij im
Funffzehnhundert vnd
drey vnd sechtzigsten
Jhare. Der

Der Stad Lübeck.

Durchleuchtigster vnd grosmechtiger
König / Ewere Königliche Wörden tras
gen gut wissen / welcher gestalt ein Ers
bar Rath vnserer vorsehren dieser Stad
Lübeck / E. Kö. M. herrn Vater Gustauo
Königen zu Schweden / zu seiner Köni
glichen Kron / ehren vnd Regiment / mit dar
streckung leibs / guts vnd bluts / merckliche
grosse hülff vnd fürderung gethan / auch fol
gents jeder zeit alle wolthaten erzeigt /
Das sich aber E. Kö. M. widerumb gegen
diese Stad vnd gemeine Bürgerschaft / fast
vndanckbarlich verhalten / vnd alle wider
wertigkeit / grossen mercklichen schaden vnd
nachtheil zugefüget / vnsern Bürgern ihre
güter genomen / vnd sie in schwere gefengnis
vnd haftung geworffen / die zum theil darins
nen verstorben / vnd auch dieser Stad alte vnd
newe privilegien in Schweden abgeschnid
ten / vnd vnserer Bürger vnd Rauffleute
viel Thare her mit vntreglichen Zollen
vnd beschatzung getrucket vnd beschweret /
Solchs ist alles offenbar / welches alles vn
sere vorsehren vnd wir als die friedliebend
den / bis anher von einer zeit zur andern /
In

In gedult getragen / vnd die sache dem lies
ben Gott vnd der zeit befolhen / In hoff
nung / G. Rō. & B. solten sich daran besser be
dacht haben / Welches doch / vber vielfaltig
derwegen schriftlich vnd mündlich ergans
gene güliche hendel vnd vermanung / bis
in G. Rō. & B. abschied entstanden / Insons
derheit aber hetten wir vns nicht anders
versehen vnd getröstet / denn E. Rō. & B. als
der nachfolgende König zu Schweden / solt
te solche irem Vater von vnsern vorfahren
vnd vns erzeigte eher vnd wolthaten / bes
dacht / sich zu friede vnd einigkeit geschickt /
vnd gegen vns vnd vnserer Stad / mit aller
danckbarkeit erwiesen haben / So befinden
wir viel mehr (nicht one besondere schmer
zen) das sich E. Rō. & B. ihres Vaters / gegen
diese vnserer Stad zugefügten mercklichen
schaden / nicht ersettigen lassen / sondern v
ber alle vnserer hoffnung vnd gute zuuers
sicht / auch E. Rō. & B. selbst / von vns erzeig
ten dienstlichen willen / vns vnd die vns
sern zubeschweren verhenget / vnd vber bes
harlich einziehen gemelter vnserer privile
gien / auch vergangenen Jars / one allen
sugt vnd ursache / vber vnd wider Keyser
liche declaracion von erleubnus gemein
ner

ner schiffart auff die Russen / vnsern Bärz
gern vnd kauffleuten ire schiff vnd güter in
mercklicher anzal vnd gewert / in freier of-
fener see gewaltsamlich genomen vnd spo-
lyrt / Vnd von dem allen wir / vber vnser
vielfaltig schriftlich ersuchen / vnd durch
vnserer gesandten in Schweden / langwirts
ge gepflogene handlung / vnd gethane vns
kosten / zimlich bitten vnd erbieten / auch
vngachtet der R. Kei. M. vñ des H. Reichs
Churfürsten vorschristen / gar keine erstat-
tung / noch sonst die billigkeit darin haben
erhalten können. Vnd vber das alles E. Rö.
K. sich ferner vnterstehen / vnsern vnd des
H. Reichs Stad Lübeck Bürgern vñ kauff-
leuten / die freie vnd privilegirte schiffart /
narung vnd handlung auff die Russen /
zuuerhindern / zuuerbieten vnd abzustri-
cken / vñ sich allein als ein Herr der Ostsee
anzumassen / vñ die schiffart irer gefallen
auff vnd zu zuschliessen / Alles in meinung
vnserer stad / Bürgere vnd Kauffleute aller
wolfahrt / freyheiten vnd narung zuentse-
zen / vnd sich also feindlich an vns zu nōtis-
gen. Siemwil vns aber das alles dermassen
in die lēge zgedulden / vntreglich / auch
sintemal das zu entlichem vntergange dies
B ser

ser guten stad zugerathen / vnuerantwort-
lich / So werden wir aus hochdringender
noth verursacht / die natürliche vnd in al-
len Rechten erleubte gegenwehr an die
hand zu nemen / vnd mit vnsern helffern
vnd beypflichtern / die wege vnd mittel zu
suchen / auff das wir vns aus obgemelten
vnd andern beschwerungen wircken / vnd
solcher drancfsal / mit Göttlicher gnediger
hülff / erwehren mögen. Im fall dar E. Rö.
K. derselbigen Reich / Landen / Leuten /
vnd verwandten / dardurch einiger schade
vnd nachteil begegnet würde / wollen wir
vns als von E. Rö. K. darzu gedrungen /
vnserer ehren vnd glimpffs notdurfft hiez
mit vnd in krafft dieses brieffs / wie sich ge-
bürt / verwaret haben / Vnd wolten das E.
Rö. K. nicht verhalten. Datum vnter vns
serm Stadsecret Sigel / den 9. tag des Mo-
nats Junij / Anno 1563.

Bürgermeistere vnd Rath
der Stad Lübeck.

Wass

Warhafftiger bericht / wie die vhestung
Elzburg / vnd das Lendlein Deland in Schweden /
durch das Dennenmerckische Kriegsvolck
erobert / vnd eingenomen sey.

Die Kö. M. zu Dennenmarck / sampt
derselbigen Kriegsvolck / als 60.
Hundert Mann Fußknecht / vnd 9. fahnen deut-
scher Pferde / ist von Kopenhagen / den nech-
sten durch Schöna / auff Helsingör / Hel-
singenborg / Holmsted vnd Wernburg / vnd
andere mehr / irer Kö. M. zustehenden sted-
te vnd Heuser / stracks nach Schweden fort-
gezogen / An welchen ortern dan / als an der
Schwedischen grenze teglich zu 4. 5. hun-
dert / vnd tausend Schwedische Bawrn an-
kommen / vnd sich der Kö. M. auff vorgehen-
den fufffall ergeben / wie noch teglich ge-
schicht. Vnd ist die Kö. M. mit gedachten
irem Kriegsvolck / den 22. tag Augusti / fur
eine vhestung in Schweden / Elzburg ge-
nant ankommen / daran ein fein vnd reich
stedlein Nielsen gelegen / welches die in
der vhestung / weil es dem hause alzu nahe
gewesen / nur zwene tage zuuor abgebrand /
An dieser vhestung ist die Könige zu Schwe-
den viel gelegen / denn sie ist ein Schlüssel
zum Königreich / vnd hat einen gewaltigen
Hafen zur Westsee. B z Als

Als man nu diese Vhestung berennet/
belagert / vnd durch ein Trommeter / nach
kriegs gebrauch / auffordern lassen / ist dem
Feldherrn / dem wolgebornen vnd Edelen
Herrn / Günthern Craffen zu Schwartz-
burg / Herrn zu Arnstad vnd Sunderhaus-
sen / von denen so in der vhestung gewesen /
diese antwort worden / Sie hetten ihrem
herrn dem Könige zu Schweden / einen eid
geschworē / solche vhestung niemands auff-
zugeben / dem wolten sie gnug thun / so het-
ten sie ein gut vhestehaus / auff dem wol-
ten sie bey einander bleiben / vnd das haus
halten / bis auff den letzten Man / Wüsten
solchem nach / der Kö. M. zu Dennenmarck
nichts dan Krauth vnd Roth zu willigen.

Darauff ist das haus Elsburg beschan-
tzt / vñ teglich etliche schüsse hinein gesche-
hen / Doch ist kein ernst erstlich darfur ges-
braucht worden / Zu letzt hat die Kö. M. zu
Dennenmarck in die 40. stück Büchsen dar-
fur rücken / vnd die Mauern zerschossen las-
sen / vnd im furhabens gewesen / dasselbige
zu stürmen / Da diesen ernst die jenigen /
so in der vhestung gelegen / vermerckt / vnd
sie keine entsetzung von ihrem Herrn / dem
König zu Schweden gesehen / haben sie am

4. tag

4. tag Septemb. iren Trommelschleger / mit
einem brieffe / so er zwischen einem zerpat
ten kloben / mit einem weissen stabe / getra
gen / heraus geschickt / vnd von dem Felds
herrn Graff Bünthern / ein gesprech beges
ret / das inen dan ist gestattet worden / Vnd
haben in solchem gesprech / die obersten be
fehlhaber des Hauses / sich auff gnad vnd vr
gnad ergeben / Welches als balde der Felds
herr / vnd andere Kriegs obersten / die Rö.
M. berichtet haben.

Darauff haben solche befehlhaber vnd
Hauptleut des Hauses / in gegenwart alles
Kriegsvolcks / der Rö. M. einen fuffsal ge
than / vnd vmb gnade gebeten / vñ die schlüs
sel des Hauses vberantwortet. Vnd hat die
Rö. M. durch den Feldherrn Graff Bün
thern / inen anzeigen lassen / das ire Rö. M.
angesehe / wie ir herr / der König zu Schwes
den (da es ime also gut würde / das er ihrer
Rö. M. Volck gefangen bekeme / so blutig
rig / vnchristlich / ja wider allen Kriegs ges
brauch / mit köpfen / gefengnis / vñ andern
plagen / greulichen mit ihnen vmbgrienge)
wol vrsach hette / gegen ihnen in gleichem
stücke / vnd nach der scherffe zu procediren
vnd zu handeln / So wolten doch ire Rö. M.

solches ihres Herrn exempel nicht nachge-
hen / sondern als ein Christlicher König/
aus gnaden inen das leben schencken.

Folgendts sind dem Feldherrn / Graff
Büntern / die Schlüssel behendiget / aber
die Obersten vnd Hauptleut wider auff
haus bestrickt / Die andern aber / als in die
acht hundert Knechte / noch denselbtigen ab-
end / mit weissen stehen vom Hause ge-
lassen.

Die Beuthe vnd aller vorrath / so auff
dieser vhestung gewesen / ist von der Königs-
lichen Watestat / dem Feld Herrn / Graff
Büntern zugeeignet vnd geschanckt / auß-
serhalb der Munition vnd artillarey / wel-
che stäglich vnd ansehnlich gewesen / denn
man in die vierzig gegossen / vnd in die 60.
stück eysern Büchsen drauff gehabt / vnd ist
sehr wol prouidentiret vnd gespeiset gewes-
sen / So hat sie vier starcke Rundel gehabt /
vnd auff der andern seiden die Westsee /
vnd ligt die festung auff eittelm fels vnd
steinclippen. Vnd haben sich die Kriegs-
leute darinnen anfänglich tapffer geweh-
ret / vnd sehr herausschossen.

Der Kö. W. zu Dennenmarck Almas
da ist in Beland gefallen / welches in zwo
mei

meilen breit / vnd vierzehen meilen lang
sein sol / Dasselbige ländlein hat sich ganz
an Dennenmarck ergeben / gehuldet vnd
geschworen.

Zu dem hat die Dennenmerckische
Armada / die Schwedische Schiffe in die
Scheren geirat vnd dürfen sich die Schwe
dischen Schiffe / wenn zubegegnen / nicht vor
terstehen.

So soll auch der Herr Ruprode / deme
die Rō. M. zu Dennenmarck / vierhundert
Pferde / vnd etlich fuss vnd Landvolck /
den mittelweg in Schweden zu verwaren /
zugegeben / auff etliche hundert / vers
jardderte Schwedische Bauern
getroffen / vnd dieselbige zers
trennet vnd geschlas
gen haben.

Ant. 6659

X 2246/69

Faint, illegible text, possibly bleed-through from the reverse side of the page.

nc





Inches
Centimetres

B.I.G.

Farbkarte #13

Blue
Cyan
Green
Yellow
Red
Magenta
White
3/Color
Black

ieff / bey
n Daiestat zu
nd der Stad Ruz
em Könige zu
gleich seind
wors

fftiger bericht/
rg / vnd das Rends
eden / vom Dens
riegsvolck ers
ngenoms
y.

Hm
6689

BIBLIOTHECA
MARIANA

3.